

Kgorotsheko e fa kahlolelo kgatlhanong le tšhomišo mpe ya molefela motšhelo ya mokgwatšhomo wa tirišo ya kgorotsheko

Tshwane, 23 Setemere 2021– Ditirelo tša Motšhelo tša Afrika Borwa (SARS) di amogela kahlolelo ka kgaugelo go SARS ya kgopelo ya tsheko ya tlabego kgatlhanong le Mrn. Mr Gary van der Merwe le ba bangwe ka Kgorotsheko Kgolo ya ka Cape.

Ke la mathomo ka go histori ya SARS fao setheo se dirilego kgopelo ya tsheko ya tlabego kgatlhanong le maitshwaro mabe a molefela motšhelo ka maikemišetšo a go diegiša ditshepelo tša semolao.

Pejana mo bekeng, kgorotsheko e hweditše gore kgato ya semolao yeo e tšerwego ke Mrn. van der Merwe le ba bangwe e tlhagišitše “kotsi ya nnete” ya kamompe ya mokgwatšhomo wa kgorotsheko le taolo ya toka gomme se se tlogile se laeditše tšhomišo mpe ya tshepetšo ya kgorotsheko.

Go ya ka kahlolo, magato a, Van der Merwe e be e tloga e le mohlala o mogolo wa tšhomišompe ya molefela motšhelo ya mokgwatšhomo wa kgorotsheko le go dira ditatofatšo tša go hloka bohlatse kgatlhanog le SARS tša bomenetša, boradia le tshwarompe.

Ditatofatšo tša kahlolelo ye ke gore Mrn. van der Merwe a ka se kgone go tlhoma ditshepetšo tša semolao kgatlhanong le motho ofe goba ofe (go akaretša SARS) ntle le go hwetša taolelo ya kgorotsheko pele. Taelelo e lebišitwe go Mrn. van der Merwe maamong a gagwe gape le maamong a gagwe bjale ka mohlaketši goba molaodi wa khamphani efe goba efe le go bahlapetši ba Eagles Trust.

Khomišinare wa SARS Edward Kieswetter o boletše gore magato a semolao ao a tšerwego ke Mrn van der Merwe le ba bangwe sebaka sa go feta mengwaga ye lesome a be a tloga a nyaka go

koafatša setheo ka go thibela tagafara yeo e lego molaong le go šarakantšha maitekelo ka moka a go phethagatša molato kgatlhanong le yena.

“SARS e tla dula e fana ka tiišetšo le tlhaloso go balefela motšhelo bao ba fihlelelago boitlemo bja bona. Fao go bago le dithulano, SARS e na le mekgwatšhomo yeo e beilwego go rarolla mathata ntle le go fihlelela kahlolelo ya kgorotsheko. Se ga se thibele balefela motšhelo go šomiša ditokelo tša bona tša go fihlelela kimollo goba tharollo go tšwa ka kgorotsheko, ge eba ga se ba kgotsofale ka dipelo. Le ge go le bjale, balefela motšhelo bao ba dirišago dikgorotsheko go diegiša le go šaparantšha go koleka ga metšhelo go tla ba kgatlhanong le bona ka maatla.”

Khomišinare o tlogile a laetša kholofelo ya gore kahlolelo e tla tšhoša le go thibela ba bangwe go leka go tlhoma kgetsi ya kgorotsheko ya lefela gape ya go tla ba kgatlhanong le SARS ka maitekelo a go leka go e thibela go dira mošmomo wa yona wa nepo, wo e lego go koleka ditseno tšeo di nyakegago go thuša Mmušo go aga pušo ya kgonagalo yeo e tšwetšagopele ekonomi ya selegae ya naga le maphelo a mabotse go ma Afrika Borwa ka moka.

Go hwetša tshedimošo enngwe ka kgopelo ikgokaganye le SARSMedia@sars.gov.za